

UGOVOR
o osiguranju osiguranje imovine, lica i auto-odgovornosti

Zaključen dana 20.08.2018. godine u Sarajevu između:

1. KJKP „Tržnice pijacc“ d.o.o Sarajevo, ul. M.M.Bašeskije br.4a, kojeg zastupa direktor Jasmin Terović, ID br: 4200683020005 (u daljem tekstu: Ugovorni organ)
- i
2. „SARAJEVO OSIGURANJE“ dd Sarajevo, ul. Maršala Tita br.29, ID: 4200326930001 kojeg zastupa direkto Arif Kulić (u daljem tekstu: Dobavljač)

PREDMET UGOVORA

Član 1.

Predmet ugovora je osiguranje imovine, lica i auto-odgovornosti bez franšize Ugovornog organa, a obuhvata period od dana potpisivanja ugovora do isteka 12 (dvanaest) mjeseci i to:

1. KOLEKTIVNIM OSIGURANJEM RADNIKA OD POSLJEDICA NESRETNOG SLUČAJA OBUHVATA:
 - osiguranje od smrti nesretnim slučajem,
 - osiguranje od smrti usljed bolesti,
 - osiguranje invaliditeta,
 - dnevna naknada za boravak u bolnici,
 - troškovi liječenja.
2. OSIGURANJE VOZILA OD AUTOMOBILSKE ODGOVORNOSTI I A/K za sljedeća vozila:
 - VW CADDY (59 kw,1390 ccm)
 - IVECO kamion DAILY (76kw,2798 ccm)
 - VW KOMBI TRANSPORTER (55 kw, 2370ccm)
 - AUDI A4 (96 kw, 1896 ccm)
 - ŠKODA FELICIJA (47kw, 1896ccm)
 - CITROEN C8 (120 kw,1997ccm)
 - FULL KASKO OSIGURANJE CITROEN C8
3. OSIGURANJE IMOVINE od opasnosti požara i nekih drugih opasnosti (požar, udar groma, eksplozija, oluja, tuča, udar osiguranikovog motornog vozila, pad letjelice, manifestacije i demonstracije). Dopunski rizik: udar motornog vozila 2.000,00 – na prvi rizik po lokaciji i obijesna djelovanja trećih lica za lokaciju br. 3 na 5.000,00-na prvi rizik , udar motornog vozila 2.000,00 – **na objektima, koji se nalaze na lokacijama:**
 1. Telali
 2. Gajev trg
 3. Gradska Tržnica
 4. Ciglane
 5. Vogošća
 6. Grbavica
 7. Hrasno
 8. Kvadrant
 9. Alipašino Polje
 10. Dobrinja
 11. Ilidža

Član 2.

Na osnovu usvojenog Plana javnih nabavki ugovornog organa br. 3701/17 od 28.12.2017.godine, Ugovorni organ je proveo konkurentski postupak u skladu sa Zakonom o javnim nabavkama BiH (Službeni glasnik BiH br.39/14), te nakon provedene procedure prihvatio ponudu Dobavljača br: 01-2480/18 od i donio Odluku o izboru najpovoljnijeg ponuđača i dodjeli ugovora br:24-10 od 20.08.2018.godine.

Ponuda Dobavljača br: 01-2480/18 čini sastavni dio ovog Ugovora.



UGOVORENA CIJENA

Član 3.

Ukupna ugovorena cijena za usluge iz člana 1. ovog Ugovora iznosi:

Redni broj	Opis osiguranja	Ukupan iznos bez PDV-a
1.	KOLEKTIVNO OSIGURANJE RADNIKA	6.006,00
2.	OSIGURANJE VOZILA OD AUTOMOBILSKE ODGOVORNOSTI	1.894,00
3.	FULL KASKO OSIGURANJE CITROEN C8 (2013g, NNV 49.000,00KM)	392,00
4.	OSIGURANJE IMOVINE	1.753,80
5.	UKUPNO	10.045,80

Dobavljač nije u sistemu PDV-a.

Cijene su fiksne i nepromjenjive u toku trajanja Ugovora.

PLAĆANJE

Član 4.

Ugovorni organ će plaćanje cijene/premije iz člana 3. ovog Ugovora izvršiti u 12 (dvanaest) rata za vrijeme trajanja Ugovora, na osnovu ispostavljene fakture/računa od strane Dobavljača. Ugovorni organ je dužan izvršiti uplatiti na žiro račun Dobavljača broj:1990490106232022, kod SPARKASSE BANK DD, i to u roku od 30 dana od datuma ispostavljanja fakture.

ROK REALIZACIJE

Član 5.

Dobavljač se obavezuje da će usluge definisane članom 1. Ovog Ugovora izvršiti u roku, prema usvojenoj Ponudi, savjesno i u skladu sa pravilima struke.

OSNOVNE OBAVEZE UGOVORNOG ORGANA

Član 6.

Ugovorni organ se obavezuje:

- da prijavi osiguravaču, prilikom zaključenja ugovora, sve okolnosti koje su značajne za ocjenu rizika koje su mu poznate ili mu nisu mogle ostati nepoznate.
- plati premiju osiguranja prilikom zaključenja osiguranja u ratama u ugovorenim rokovima.
- obavijesti osiguravača o svakoj promjeni okolnosti koja može biti od značaja za ocjenu rizika.
- odmah preduzme sve mjere koje su u njegovoj moći da se ograniče štetne posljedice i da se pri tom pridržava uputstava koje mu je dao osiguravač ili njegov zastupnik,
- obavijesti osiguravača o nastupanju osiguranog slučaja odmah po saznanju, a najdalje u roku od tri dana od kada je to saznao, a najdalje u roku od tri dana pismeno potvrdi prijavu učinjenu usmeno, telefonom, telegramom ili na neki drugi način,
- u svim slučajevima predviđenim propisima, a naročito kad je šteta prouzrokovana od požara, eksplozije, provalne krađe, razbojništva, razbojničke krađe i saobraćajne nezgode - osiguranik je u obavezi da događaj odmah prijavi nadležnom organu unutrašnjih poslova i navede koje su sve stvari uništene ili oštećene, odnosno nestale prilikom osiguranog slučaja,
- odmah po nastanku osiguranog slučaja, ako je to moguće, odnosno kad to prilike dozvoljavaju, da podnese osiguravaču popis uništenih, odnosno oštećenih stvari, uz približnu naznaku njihove vrijednosti,
- do dolaska predstavnika osiguravača na mjesto osiguranog slučaja, potrebno je da osiguranik ne promijeni stanje oštećenih, odnosno uništenih stvari, osim ako je promjena u javnom interesu ili interesu smanjenja, odnosno u cilju nastavljanja normalnog rada i funkcionisanja uz uslov da se prethodno komisijski utvrdi uzrok nastanka osiguranog slučaja i obim oštećenja,
- dužan je da nezavisno od roka u kome je podnio prijavu štete, predstavniku osiguravača pruži sve podatke i druge potrebne dokaze za utvrđivanje uzroka, obima i visine štete. Osiguravač može zahtijevati da osiguranik pribavi i druge dokaze, ako je to potrebno i opravdano.

OSNOVNE OBAVEZE DOBAVLJAČA

Član 7.

Dobavljač se obavezuje:

- Kad se dogodi osigurani slučaj, dužan je da isplati naknadu u ugovorenom roku koji ne može biti duži od četrnaest dana, računajući od dana kad je dobavljač dobio obavještenje da se osigurani slučaj dogodio,
- Kad primi prijavu o nastalom osiguranom slučaju, dobavljač je dužan da odmah, a najkasnije u roku od tri dana, pristupi utvrđivanju i procjeni štete,
- Po prijavi štetnog događaja Dobavljač će odmah slikati oštećenja i sačiniti zapisnik o oštećenjima, uz prisustvo ovlaštenog predstavnika Ugovornog organa,
- U slučaju da se osiguranik ne složi sa utvrđenim uzrokom i procjenom štete, može zatražiti da se utvrđivanje štete izvrši putem vještaka. Svaka ugovorna strana pismeno imenuje svog vještaka. Za vještaka se mogu imenovati lica koja nisu u radnom odnosu sa osiguravačem odnosno osiguranikom.
- Predmet vještačenja mogu biti samo sporne činjenice. Koje će sporne činjenice biti predmet vještačenja, kao i postupak vještačenja, određuju u svakom pojedinačnom slučaju osiguranik i osiguravač - pismenim sporazumom o vještačenju.

RASKID UGOVORA

Član 8.

Ugovorni organ ima pravo raskinuti ovaj Ugovor u skladu sa ZOO i u sljedećim slučajevima:

- Ako Dobavljač ne izvrši ugovorne obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- Ako Dobavljač ne izvrši usluge kvaliteta datog u ponudi;
- Ako poslije djelovanja više sile nije moguće nastaviti realizaciju ugovora.

Ugovor može biti raskinut Izjavom Ugovornog organa ili Dobavljača u pismenoj formi. Izjava mora sadržavati razlog raskida ugovora. U slučaju raskida ugovora, Ugovorne strane su saglasne da nijedna strana drugoj neće dugovati nikakvo obeštećenje ili nadoknadu i da će u svemu izmiriti međusobne obaveze.

RJEŠENJE SPOROVA

Član 9.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da Ugovorne strane ne postignu dogovor o spornim pitanjima, za rješavanje spora nadležan je Sud u Sarajevu.

ZAVRSNE ODREDBE

Član 10.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 11.

Ugovor stupa na snagu danom potpisivanja od strane potpisnika ugovornih strana, s tim što se odredbe ovog Ugovora koje se odnose na kolektivno osiguranje radnika od posljedica nesretnog slučaja i osiguranje imovine, primjenjuju počev od 20.08.2018.godine, dok odredbe ugovora koje se odnose na osiguranje vozila od automobilske odgovornosti I/A/K se primjenjuju od 07.03.2019.god.

Član 12.

Ovaj Ugovor je sačinjen u 4/četiri/ istovjetna primjerka, od kojih svaka ugovorna strana zadržava po 2 primjerka

Dobavljač
SARAJEVO OSIGURANJE
SARAJEVO
Direktor, Anif Kurić

Ugovorni organ
KJKP "Tržnice-pijace" u Sarajevu
Direktor, Jasmin Terović

01-2789/13
Sarajevo, 22.8.2018.

Sarajevo, 20.08.2018.godine